

BELIEVERS EASTERN CHURCH

Office of the Metropolitan, Synod Secretariat, St. Thomas Community, Thiruvalla, Kerala, India.

KELNGOI CHING LEKHATHOT

Mar/Apr 2023

Archbishops ho, thempuho, Deacon Fathers ho, Evangelistho, Oder of sisters ho chuleh Believers Eastern Church sunga tahsan um ho jouse henga Apa,Acha chuleh Lhagao theng minin phattheina leh lemna kahinnei uve. Amen!

Christa a kangailuttah,

Apa Acha, chuleh Lhagao thengminna nachunga lungsetna, hepina chuleh chamna chu Ihung tahan ☐

Lent Iha loupi hi Houbung thenga dinga kin thupi pen chu ahi, ajeh chu hichea hi eihon Jesu Christan cross a athina mun ajotlai chuleh akitui chuleh athodoh kit chan geiya lhagao lamma lam ijom khom nau phat chu ahi.

Eihon hiche tukumma dinga Lent season phat chu ihin chaiding konnu ahitoh kilhon in Hapta theng or Pakai hesoh hapta chu ahung naitul tul tan hiche chu April date 3 leh kipan in tin, chuleh easter Sunday 9th April leh kichai ding ahitai. Hiche Lent season sunga hin nangman taona, anngol, chuleh muntina navel dunga kiphaltah a Christa thupha nalhangsapna jalla lhagao lamma nathahat be aimalam jousea phattheina namu nadiggin katao vin ahi.

Eiho hapta theng Pakai hesoh hapta ihung Ihuntah dingjeh un Believers Eastern Church sunga um tahsan umtah sopihon iboldinguva dei um themkhat kahin sulang nom in ahi.

Akhatna: nangma local church parist sunga hiche hapta theng Pakai hesoh hapta kimam sunga hin nangman jong pan kitup keichan la in tin kahin tem nom in ahi. Easter Sunday nileh eihon Pakai antheng ijong un lungthim kipah tah in khatleh khat komma Christa chu athoudoh tai tin isei jiuvin ahi.

Anina: lungsung lam leh tahsa lam jenga jong damtheina eipethei uva hiche Christa thodoh kit thusim hi midang komma seiphong jom dingin kigel Ihah na neiyin. Hiche hi solchah Paul leh houbung paten akhang khanga einasei son peh u thupha chu ahi. hiche chu eihon 1 corinthian 15:3-4 a imu uvil ahi. ajeh chu amasapenna Pathen lekhabu dungjuiya eiho chonset jalla Christa thia ahitai ti thuhil pipen kamu chu nangho



Edit with WPS Office

kaphehdoh ahitai, chuleh Ama avuiyun ani thum nin Pathen lekhabua kisei dungjuiyin athoudoh kittan ahi.

Nangman hiche hi niseh taona phat nakisemma, chuleh na vengsunga adammo ho nataopeh a , alhase amuse ho nagatil khoujinga chuleh lungsetthem tah a hinkho mangdinga phat nakisem leh nabol doh thei ahi.

Athumchanna: nangma ingsungmi ahilouleh khosungmi ahilouleh nanatoh na munna boina leh hahsatna toh khattou aumleh amaho chu taona mankhom pi dingin houbungsunga hinpui yin lang nangho houbung thempu pan taona manpeh in tin chuleh tahsan umtah nangma jengin jong houbung thempu pa chu taona nakithopi thei ahi. chutileh hiche boina neipan chu aboina ahahsatna jousea konna kile dohna chu ahin neithe ding ahi.

Ali channa: eiho Houbung theng sunga Pakai in bolding Pakai yin khangthah numei pasal ahin soldoh jingna dingin niseh in taona neiyin. Eihon Matthew 9:37-38 sunga chang atding atam in hinla atongding alhomme, hijeh chun lounei pun chang atding mi ahin solna dingin lou neipu komma taovin tin I Pakai yin thu eipeuve.



Edit with WPS Office

Nachate lah a chu khat penpen Pathen in ama lenggam natong dinga ahin kouna dingin niseh in taona mangjing jin.

Anga channa: achainan Christaa kasopite, eihokinepnau kingapna chu Christa thina a konna athodoh kit hi ahi,hiche hin hinkhoa lungdonna khonteh chu eilhap lhah peh un ahi chuleh hiche hin thina khel lampeh a jong kinepna eipeuve. Ama ahin jeh in jinga ipi soh jong leh hangsan tah leh , kinepna neijing pummin ikimai to pi ngap chauve. Ama ahin jeh chun eihokong Aman John 14:19 sunga aseibanga khu ihin dingu ahi.

Hiche jeh chun nangman hinkhoa itobang hahsatna toh jong leh chun niseh in kinepna neipum in apha lam in hinkho mangjingin lang chuleh thoudoh kit Pakaiya jah chah louvin kingaijin. Lhagao va napau khat hina jallin keiman jong taona pumin hiche lent season sunga nangho toh taona pumin lhagao lam kahin jot khom pi jingun ahi.

Tonsot khovah a chengding eihohi niseh in thoudoh kit Pakai lungsetna leh khotona a chun thahat jingin um taute!.

Houbung theng kinbolna a,

Christa a napau,

Athanasius Yohan I Metropolitan



Edit with WPS Office